



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola I. Gregorii Papae I. Ad Ianvarivm Episcopvm Calaritanvm. De exarata messe cuiusdam ante Missarum solennia dominicorum die, & terminis eradicatis post Missarum solennia.

**urn:nbn:de:hbz:466:1-15221**

tum caritatis opponere? Sed in his ego verbis omnimodo gaudeo, quia in tali mentis attestatione cognosco, quod nunquam possit aliena tollere, qui & hoc ipsum erubescit, quod propria largitur. Parua vero appellatis munera vestra, quae magna sunt: sed credo ut adhuc amplius ex ipsa gloriæ vestræ humilitate proficiant. Et petitis ut hæc bona mente suscipiam. Sed inter ista ad memoriam cuiusdam viduæ duo minuta reducite. Si enim illa Deo placuit, quæ bono animo pauca obtulit; cur non hominibus placeat, qui mente humili multa dedit? Præterea benedictionem vobis sancti Petri apostolorum principis, clauem sacratissimi sepulcri eius, in qua benedictio de catenis illius est inserta, transmisimus, ut quod eius collum ligauit ad martyrium, hoc vestrum ab omnibus peccatis absoluat.

## LIBRI SEPTIMI PARS ALTERA.

*Mense Septembri, indictione I L.*

## EPISTOLA I.

## GREGORII PAPÆ I.

AD IANVARIVM EPISCOPVM CALARITANVM.

De exarata messé cuiusdam ante Missarum solennia  
dominicorum die, & terminis eradicatis  
post Missarum solennia.

*Gregorius Januario episcopo Calaritano.*

**P**RÆDICATOR omnipotentis Domini Paulus apostolus dicit: *Seniorem ne increpaueris.* Sed hæc eius regula <sup>v. Tim. 5.</sup> tunc in eo seruanda est, cum culpa senioris exemplo suo non trahit ad interitum corda iuniorum. Vbi autem senior iuuenibus exemplum ad interitum præbet, ibi disticta increpatione feriendus est; nam scriptum est: *La-* <sup>v. Isa. 42.</sup> *queus iuuenum omnes vos.* Et rursus propheta dicit: *Et puer* <sup>v. Isa. 65.</sup> *centum annorum maledictus est.* Tanta autem nequitia ad aures meas de tua senectute peruenit, ut eam, nisi adhuc humanitus pensaremus, fixa iam maledictione feriremus. Dictum quippe mihi est, quod dominico die, priusquam Missarum solennia celebrares, ad exarandam messem latoris præsentium perrexisti, & post exarationem eius Missarum solennia celebrasti. Post Missarum solennia

*Concil. Tom. 13.*

Iii iij

etiam terminos possessionis illius eradicare minime timui-  
sti. Quod factum quæ poena debeat insequi omnes qui au-  
diunt sciunt. Dubii autem de tanta hac peruersitate fue-  
ramus, sed filius noster Cyriacus abbas a nobis requisitus,  
dum esset Calaris, ita se cognouisse perhibuit. Et quia ad-  
huc canis tuis parcimus, hortamur ut aliquando respi-  
cas, miser senex, atque a tanta te leuitate morum & ope-  
rum peruersitate compescas. Quanto morti vicinior effi-  
ceris, tanto fieri solicitior atque timidior debes. Et qui-  
dem poenæ sententia in te fuerat iaculanda, sed quia sim-  
plicitatem tuam cum senectute nouimus, interim tace-  
mus. Eos vero, quorum consilio hæc egisti, in duobus  
mensibus excommunicatos esse decernimus; ita tamen  
ut, si quid eis intra duorum mensium spatum humanitus  
euenerit, benedictione viatici non priuentur. Deinceps  
autem ab eorum consiliis cautus existe, te quoque soli-  
cite custodi, ne si eis in malo discipulus fueris, quibus in  
bono magister esse debuisti, nec simplicitati tuæ vterius,  
nec senectuti parcamus.

## EPISTOLA II.

## GREGORII PAPÆ I.

AD EVMDEM.

De pace facta cum rege Longobardorum, & de messe die  
dominicorum exarata.

*Gregorius Januario episcopo Calaritano.*

**Q**VID in Sardinia hostes nostri fuerint operati, prius-  
quam fraternitatis vestræ epistola ad nos perueniret,  
agnouimus. Et quia hoc futurum dudum metuimus eve-  
nisse quod præuidimus, nobiscum nunc gemimus. Quod si  
secundum ea, quæ tam vobis quam excellentissimo filio no-  
stro Gennadio hoc fore nuntiantes scripsimus, solicitude  
fuisse adhibita, inimici illuc aut non accederent, aut acce-  
dentes periculum quod fecerunt incurrent: vel nunc ergo  
ea quæ contigerunt vigilantiam vestram in futuris ex-  
cuant. Nam & nos quidquid prodesse possumus facere,  
Domino auxiliante, nequaquam omittimus. Cognoscatis  
autem abbatem quem ad Agiulphū ante multum iam tem-  
pus transmisimus, pacem cum eo, Deo propitio quantum